

जियो के माता मोटी है जगदम्बा,
देवी नागाणा री राय,
के दर्शन करलो सगला जाय,
ओ माता नागनेची रो परचो भारी,
इन कलयुग रे माय,
के दर्शन करलो सगला जाय ॥

जियो के माता आसोज में,
नवराता आवे देवी हर बार,
के दर्शन करलो सगला जाय,
के हालो रास रचावा गरबा गावा,
लुल लुल लागा पाव,
के दर्शन करलो सगला जाय ॥

जियो के भाईडा भाकर फोड,
भवानी आयी नागाणा रे माय,
के दर्शन करलो सगला जाय,
के भाईडा दर्शन ने जातरू आवे,
आवे सब नर नार,
के दर्शन करलो सगला जाय ॥

जियो के भाईडा आंधा दिखे,
गूंगा बोले माता के दरबार,
के दर्शन करलो सगला जाय,

के भाईडा पांगल्या ने पाव दिरावे,
निर्धन ने धनमाल,
के दर्शन करलो सगला जाय ॥

जियो के माता कोढिया रा कोढ,
मिटावे राखे छत्तर छाव,
के दर्शन करलो सगला जाय,
के माता बांज्या री आस पुरावे,
पालनीया बंधाय,
के दर्शन करलो सगला जाय ॥

जियो के माता दोय कर जोड्या,
अर्जुन गावे थारे शरणा माय,
के दर्शन करलो सगला जाय,
ओ माता शरणागत री लाज,
पुरावे होवे है सब काम,
के दर्शन करलो सगला जाय ॥

जियो के माता मोटी है जगदम्बा,
देवी नागाणा री राय,
के दर्शन करलो सगला जाय,
ओ माता नागनेची रो परचो भारी,
इन कलयुग रे माय,
के दर्शन करलो सगला जाय ॥

प्रेषक मनीष सीरवी
9640557818

Source:

<https://www.bharattemples.com/jiyo-ke-mata-moti-hai-jagdamba-devi-nagana-ri-razy/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>